

DE 34-6-1-18-
CHRISTI
DOMINI
CRUCIATIBVS
ORATIO
DIE PARASCEVES
In Sacello Pontificio Vaticano
A D SS. D. N.
INNOCENTIVM X.

Habita à Ferdinando Ximenes è Soc.Iesu..



A. M. C.
ROMÆ, Typis Hæredum Corbelletti. 1647.

Superiorum Permissu.

DE
CHRISTI
DOMINI
ORATIONE
O

DE PARASCEVES
IN ZACHARIA PONTICO VATICANO
A.D. 1511
INNOCENTIVS X.



A. M. C.



AMICO LECTORI

Spesioqos, 6221

Ompendiaria hac

C Dominicae Passio-
nis historia, vt ocu-
lorum tribunal de-
clinaret, calamum refugiebat,

ac prælum: sed quando auri-
bus excipi contigit innocentibus:
veluti quandam induerit
innocentiam, oculos etiam sper-
rat innocentes. Prodit ergo tibi

ORV

A 2

vni

vni (Amice Lector) inscripta;
quem vnum, dum sibi iudicem
eligit, optat patronum. Si tibi
aliquid ex historia cursim, ac
nimis ieiune dictum occurre-
rit. Caue, ne sacros accuses Hi-
stóricos, qui singulos Christi
Domini cruciatus haud æquè
fusè, copiosèque scripserunt.

Vale.

ORA.

ORATIO.

EN tandem B. P. impleta, heu nimis impie! humanorum criminum vota! Christus Dominus beneficentissimus hominum parens, ab ingratissimis filiis vnicè expetitus in mortem, mortuus est. Et utinam mortuus; sed, exquisitis vndique pœnis vsque ad horrorem naturæ, imò ad ipsiusmet furoris nauseam, atrociter dilaceratus, ac noua semper in vulnera rediuius, plurimâ tandem cæde confectus est. Execrandæ crudelitatis seriem cum longius, quàm à

A ; Gerse-

6
Gethsemani, vbi Saluator noster pœnarum
suarum tyrocinium posuit, repetenda
non sit, quàm breuissimè expono.

Nactus igitur oportuna placidæ noctis
silentia, in suburbani viridarium, ipsa
loci amœnitate securam quietem pollicen-
te, sibi, ac Deo vacaturus de more secesse-
rat; sed repentinus conspirantium affe-
ctionum tumultus omnem latè animum
terrore, mœstitiâ, tædioque compleuit.
quilibet frutex subita pauoris cultura in-
Crucem adoleuerat. non aspis, aut basi-
liscus; rosa timebatur, ac lilium; quæ
sibi imaginaria in monstra horror verè
monstruosus deturpauerat. Vsq̃ue ad eò
mortalibus inter lacrymas natis sinceræ
nullæ sunt voluptates; vt vel inter maio-
ra irritamenta lætitiæ esse non liceat sine
lacrymis. Quamquam sublimiori fortasse,
aut diuinitatis Sacramento, aut certè do-
cumento mortalitatis factum arbitror, vt
ibi primas Christi dolor radices ageret,
vbi in ipsa hortorum amœnitate florum-
què delicijs, maxima doloris obliuio ger-
minabat; vt enim nobis deliciarum tam
cupi-

cupidis tanti doloris sensus in amoribus
 esset, esse debuit dolor in delicijs. Inte-
 rea vehementiori curarum æstu agitur
 eò acerbioris animi sensus excreuit, ut
 disruptis vsquequaque venarum obijci-
 bus toto è corpore cruorem profuderit.
 Supremus enim nunquam est sine vul-
 nere cruciatus; cruentaquè in purpura
 superbire debet dolor, si regius est. Ergo
 in horto Gethsemano cum Christus Do-
 minus secreto, intimoquè animi crucia-
 tu sponte Cruci præluderet; & morienti
 quam viuenti propior, vicinæ morti ma-
 lè iam viuus assueſceret, adfuit post ac-
 ceptam sceleris mercedem Iudas Iscario-
 tes, pactum Magistri sui sanguinem fide
 perfidà traditurus. Sed quia nefariæ pro-
 ditionis turpitudinem, vel ipsa Iudæ mor-
 talium scelestissimi facies refugiebat; ne-
 quissimus proditor, cui licet cordis nulla
 penitus cura esset, summa tamen erat
 frontis sollicitudo; torus ad amorem com-
 positus, quam è corde exterminauerat,
 impudenter affectabat in vultu beneuo-
 lentiam: & quando in amantem seuien-

dum erat, virulentam, ac plusquam viperinam rabiem in amicos amplexus, in mollissima verba, in lacrymas, quis crederet? in oscula atroci crudelitatis industria elaboravit. Tunc profecto amplius non fuit, quod Mauritanis hortis fabulosum anguem inuiderent Hesperides Palæstinæ. Habuit Gethsemani Draconem suum non dente, aut oculo, sed osculo venena inhalantem, illoque hoc saltem nomine nocentior, quod, cum uterque auri excubijs fuerit destinatus, Iudas ex custode, *Ioa. 12.* fur, ac prædo auaritiam custodiuit magis, quam fidem; donec pecuniæ libido latrocinij inexplata in sordidam tandem alieni Sanguinis mercaturam degenerauit. N. mirum cui aurum in votis, & lucrum pro Numine: quodlibet sacrilegium, si quaestuosum, sacrificium est. Ad huius osculi classicum irruunt cohortes coniuratæ, unaquæ cum satellitibus conspirant Sacerdotes, dispari quidem opere, sed scelere pari. Vincitur innocens Iesus, raptatur, proteritur, ad suæ gentis tribunalia sistitur, vni sibi profuse in immeritos beneficiis.

neficientiæ reus, &, quia criminum vindex, criminofus. Reliqua nocte, donec diluceret, ludibrijs, pugnis, alapis, tanta impietatis licentia, tanta militum impudentia infanitum est, ut ultra ludi fines se non progressum arbitraretur, quicumque citrà mortem feuiret. Verùm qui nocte Iudeorum in atrio ad immanem voluptatem luserat furor, mane factò rem seria crudelitate agere cœpit in prætorio Romanorum. Quis hoc loco malignum Hebræorum ingenium amariõri animi sensu non indignetur? quibus parum fuerat in propria venientem per summam, inurbanitatem olim non recepisse; nisi etiam proximè discessurum inhumaniter cepissent in agro; turpiter excepissent in aula; ut adeò indigne à suis exceptus, habitusquè, inde etiam turpiùs eijceretur ad exteros. Apud Romanum Præsidem capitalis quæstio constituitur: hic ad Herodem rejicit causam, quæ rursus ad Pilatum deuoluitur; nec tamen tot, ac toties repetitis accusationibus aliud crimen deprehendi potuit, nisi calumniosa accusatorum.

Ioan. 1.

rum criminatio. Mitissimus enim Dominus ubique innocens, quia ubique Iesus. At heu miseras innocentiae vices! cui post dilutas miro silentio inimicorum calumnias, adhuc timendus superest amici Iudicis timor, nec immerito; nam iudice metu nocens est quicumque non audax. Igitur Pilatus ex optimo teste pessimus repente Iudex, quem summo iure asserit innocentem, summa simul iniuria sicario æquiparat nocentissimo. Imò ne pessimus quidem iudex, sed præ nimio metu demente simul, ac potestate deiectus, optione facta ius omne accusatoribus delegat iterum ex Iudice reus. Quare cum iudicium à Prætorio delatum esset ad triuium, causaquæ clamoribus ageretur, actum omninò de silentio fuit: timidus enim Præses ingeniosam ratus misericordiam, si Christo mortalium vitam sua morte redempturo, fustuario crucem, & sanguine vitam redimeret: iussit nudum, ac faxæ columnæ religatum flagris, verberibusquæ discindi. O caput stolidissimè effleratum! quò tandem tua sc̃ immani-

tas prouehet, si tibi misericordiam effera-
 re, misericordia est? Illico prosiliunt sce-
 lesti virgatores, alienæ vitæ periculo fa-
 cturus læ quisquè periculum crudelita-
 tis. Caditur, discerpitur, dilaceratur,
 totusquè in cruorem exprimitur regius
 ille flos, virgineo purioris numinis sangui-
 ne purpuratus. Sed illud sanè diuinæ pa-
 tientię prodigium fuit, quòd Dominus
 seruata viscerum mollitudine, ità in an-
 gularem lapidem obduruerit, vt non mo-
 do petra esset Christus, sed esset simul
 & Christus, & Petra; è qua, sicut olim fi-
 tiens populus gemina percussione aqua-
 rum venas eliquauit; ità nequitie caligi-
 ne obcœcatus iteratis ictibus abstrusum
 venis vnà cum sanguine incendium cha-
 ritatis excuderet; Imò genus omne hu-
 manum veteri aquæ, & ignis interdicto,
 abolito per aquam, ignemque meliorem,
 hoc est per vnum Christum in vnicum
 salutis refrigerium educeretur. Quàm
 libenter in huius dehiscantis Petræ siue
 foraminibus, siue cauernis exanguis cum
 Domino exanguis etiam deficeret oratio
 mea;

Paul. ad

Eph. 2.

Cor. 10.

num. 11.

Psal. 65.

Cant. 2.

mea, nisi importunis spinarum aculeis
Pfal. 31. excitata, & ab eadem petra, vnde omnes
 nos excisi misericorditer sumus violenter
 auulsa, ad metam crucis per noua pœna-
Pfal. 128. rum genera præceps quasi calcaribus age-
 retur. Innocens illa caro adeò alte arata,
Pfal. 27. nouata, totiesque non tam verberum,
 quàm criminum vomere iterata refluere-
 rat tandem in rosas, cruentas quidem;
 sed, quia sine spinis, diuinæ indices chari-
 tatis: quæ nec vulnerata edoceri potuit
 vulnerare. Cùm ecce tibi ferox Iudæorum
 scuitia, hanc diuini amoris suauitatem
 non ferens, nec rosas ferre potuit sine spi-
 nis: quin imo inuerso humanitatis, natu-
 ræquè ordine, spinarum diademate san-
 guinem illum coronat, qui hominum
 spinas rosarum more coronaturus erupe-
 rat. Iocularis purpura, sceptrum arundi-
 neum, scurrile obsequium ad commo-
 uendos petulantis vulgi cachinnos exco-
 gitata, attentiori speculatu recogitanda
 hic essent; vt ludicra illa supellex huma-
 ni inanitatem dominatus ad probrosum
 ambitionis nostræ ludibriū exprobraret.
 sed

sed in Caluariæ cliuū raptato cum Domino tanta rapimur celeritate, vt nec ruentis sub Cruce Saluatoris in cœno, ac puluere defixa vestigia oculis, ne dum osculis lustrare concedatur. Bene tamen est; in Caluarium enim, vt infandi parricidij extrema auidius exciperet, quadam anticipatione doloris vestra me iam dudum pietas curiosa præuertit. Utinam Carnifices, clauos, crucem, plagas, cruorem, sitim, cædem; vno verbo supremos corporis, animique cruciatus suprema saltem liceret oratione percurrere. Utinam suis pendente vulnere Redemptorem propius daretur inspicere; vt ab iisdem nos etiam vulneribus humano generi pacem loquentibus, vel attoniti penderemus, vel liquidissimam, diuinamque cum sanguine profluam hauriremus charitatem. Sed nos miseros! quos ad repentinum ipsa in meridie lucis defectum; ad subitum, siue rerum omnium in parricidij ultione tumultum, siue naturæ auctori suo commorientis excidium; horror habuit adeo vehemens, vt vix aliud quidpiam

Psalm. 84.

Isaia 11.

piam recensere distinctius possimus; nisi
 quòd Christus Dominus, postquam ad-
 mirabili erga Matrem, Discipulum, latro-
 nem, interfectores ipsos solitudine do-
 cuerit, se nobis mori, non sibi; quin potius
 sibi moriens, inclinato capite, nostræ salu-
 ti nunquam moriturus expiravit. Sed
 quia osculorum tela, etsi in vultum direc-
 ta, in cor tamen collineant: còdes ab oscu-
 lo cæpta debuit tandem vulnere cordis
 absolui. Nobis autem apertum exhibens
 cor; & lacrymarum fontem, & charita-
 tis tribunal vno hoc vulnere misericors
 Iesus patefecit, ut nos tanti sceleris amo-
 re iudice absoluendos intelligeremus; sed
 non sine lacrymis. Quòd enim consum-
 pti penitus non sumus, Domini profecto
 misericordiz fuit, quæ nos mortuo Iesu
 commori noluit, ut superstites viueremus;
 dolori, cui ne parceret, pepercit vitæ. La-
 crymandum igitur, ut viuamus; ideoque
 viuendum, ut iugiter lacrymemur.

Thren. 3.

L A V S D E O.